

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 263688 25 St
Zenica, 04.02.2026. godine

Općinski sud u Zenici, sutkinja Marina Šapina, u stečajnom postupku nad društvom „BOSNA PILE“ d.o.o. Putešić-Tešanj Društvo za proizvodnju, promet i usluge, Putešić b.b., Tešanj, odlučujući o prijedlogu privremenog stečajnog upravnika Hadžimehić Murisa iz Tešnja, nakon ročišta održanog dana 03.12.2025. godine, u prisustvu privremenog stečajnog upravitelja i zastupnika po zakonu predlagatelja Jasmina Šerotića, zamjenika direktora, van ročišta dana 04.02.2026. godine, donio je sljedeće:

R J E Š E N J E

Otvora se i zaključuje stečajni postupak nad društvom „BOSNA PILE“ d.o.o. Putešić-Tešanj Društvo za proizvodnju, promet i usluge, Putešić b.b., Tešanj, MBS: 1-8315, zbog nepostojanja stečajne mase, te se nalaže brisanje ovog privrednog subjekta iz sudskog registra zavedenog u reg. ul. broj: 1-8315, a po pravomoćnosti ovoga rješenja.

O b r a z l o ž e n j e

Prijedlogom od 31.07.2025.godine, predlagatelja „BOSNA PILE“ d.o.o. Putešić-Tešanj Društvo za proizvodnju, promet i usluge, Putešić b.b., Tešanj, zastupanom po zastupniku po zakonu Šarotić Jasminu, zamjeniku direktora pokrenut je stečajni postupak nad navedenim društvom.

Rješenjem ovoga suda br. 43 0 St 263688 25 St od 25.09.2025.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika „BOSNA PILE“ d.o.o. Putešić-Tešanj Društvo za proizvodnju, promet i usluge, Putešić b.b., Tešanj, MBS: 1-8315 i za privremenog stečajnog upravnika imenovan je Hadžimehić Muris iz Tešnja, Raduša b.b.

Na ročištu za ispitivanje uvjeta za otvaranje stečaja održanom dana 03.12.2025. godine, privremeni stečajni upravitelj je izjavio da ostaje kod svog izvještaja od 22.10.2025. godine. Navodi da je pregledom dostupnih poslovnih knjiga firme BOSNA PILE doo Tešanj i podataka iz javnih registara utvrdio da društvo nema imovinu u obliku nekretnina kao niti pokretnu imovinu koja bi mogla činiti stečajnu masu. Osnovna djelatnost društva je uzgoj peradi. Uzgoj peradi je podrazumijevao uzgoj tovnih pilića za konzumaciju. Tovni pilići su prodavani prerađivačima i distributerima mesa s ciljem ostvarenja poslovnog dobitka. Sjedište društva je bilo u zakupljenom prostoru u porodičnoj kući u vlasništvu direktora i osnivača Osmana Šarotića u naselju Putešić, Općina Tešanj, pored magistralnog puta M4, broj parcele 719 Tešanj K.O. Mrkotić, gdje se formalno nalazila kancelarija, a stvarnu djelatnost uzgoja tovnih pilića za tržište vršilo je u montažnim objektima u sklopu parcele 719 i 721/1 Tešanj K.O. Mrkotić. Smanjenje poslovnih aktivnosti je prouzrokovalo nelikvidnost i blokadu računa 05.07.2007. godine kod UniCredit banke čime nastupa potpuna platežna nesposobnost društva koja traje preko 18 godina. Vlasnik i osnivač društva Osman Šarotić je preminuo 2015. godine od kada apsolutno prestaje poslovna ili bilo koja druga aktivnost društva. Prema podacima iz bilansa stanja sa 15.07.2025. godine društvo nema nekretnina u svome vlasništvu. Podaci iz finansijskih izvještaja se slažu sa podacima iz javnih registara Zemljišnoknjižnog ureda Općinskog suda u Tešnju od 20.10.2025. i Službe za katastar, urbanizam i imovinsko-pravne poslove Općine Tešanj od 17.10.2025.godine, a u kojima je evidentirano da Društvo nema nekretnina u svome vlasništvu i posjedu. Posjedovanje pokretnina (motornih vozila) provjerio je u evidenciji registrovanih motornih vozila u

MUP-u Zenica, Policijska stanica Tešanj, Odsjek za administraciju Tešanj, te je utvrđeno da društvo ne posjeduje motorna vozila u svom vlasništvu. Od ostale imovine prema bilansu stanja od 15.07.2025. godine, društvo ne posjeduje bilo kakav oblik imovine što se slaže sa stanjem koje je konstatovano prilikom obilaska bivših poslovnih prostorija tj. sjedišta društva. Prema bilansu stanja od 15.07.2025. pozicije aktive društva nisu imale evidentiran bilo kakav saldo. Bilansne pozicije pasive društva koje su imale evidentiran saldo 15.07.2025. godine su: udjeli članova društva u iznosu od 2.000,00 KM, gubitak tekućeg perioda u iznosu od 12.929,00 KM, kapital koji pripada vlasnicima matičnog društva u iznosu od -10.929,00 KM, kratkoročne obaveze (ostale obaveze uključujući i razgraničenja) 10.929,00 KM. Društvo nije imalo poslovnih prihoda po bilo kojem osnovu, te postoji razlog za otvaranje stečajnog postupka iz razloga platežne nesposobnosti društva. Navodi da Prijedlog za otvaranje stečajnog postupka nije podnesen u roku od 60 dana od dana nastupanja platežne nesposobnosti član 63. stav 7. točka a. Zakona o stečaju („Službene novine FBiH“ broj 53/21), jer je platežna nesposobnost nastupila 2007. godine

Predlaže da sud pozove povjerioce i zainteresirana lica da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko niko u ostavljenom roku ne predujmi određeni iznos, donese rješenje o otvaranju i zaključenju stečajnog postupka nad ovim društvom kao i da po pravomoćnosti rješenja društvo briše iz sudskog i drugih registara po pravomoćnosti istog.

Zastupnik po zakonu predlagatelja je izjavio na ročištu da ostaje kod prijedloga za otvaranje stečajnog postupka, te da nema primjedbi ni pitanja na izvještaj privremenog stečajnog upravitelja.

Rješenjem od 03.12.2025. godine, sud je pozvao povjerioce i zainteresirana lica da u roku od 30 dana od dana objavljivanja poziva predlože otvaranje postupka i uplate predujam za obezbjeđenje troškova stečajnog postupka u iznosu od 5.000,00 KM, na depozitni račun ovoga suda.

Rješenje ovoga suda od 03.12.2025. godine, objavljeno je na oglasnoj ploči suda dana 04.12.2025. godine, na web stranici suda i u „Službenim novinama Federacije BiH“ broj: 94/25 od 10.12.2025.godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresirana lica u roku ostavljenom u rješenju donesenom od strane ovoga suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečaju, odlučeno kao u izreci ovog rješenja.

Sukladno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje usljed nedostatka mase prestaje postojati, te brisanje ovog pravnog lica iz sudskog registra.

Sutkinja:

POUKA O PRAVNOM LIJEKU

Protiv ovog rješenja može se izjaviti žalba
Kantonalnom sudu u Zenici u roku od 8 dana
od dana prijema, putem ovog suda. Žalba se dostavlja u
dovoljnom broju primjeraka za sud i protivnu stranku.

Marina Šapina, v.r.